



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ejn vndericht dem Chur[fu]rsten von [Sa]chssen
zugeschickt [warumb] die Augustiner zu wittemberg nit
meß halten**

[Erfurt], 1522

VD16 U 189

Die eingeschlossen zettel.

urn:nbn:de:hbz:466:1-32185

Dreblechtgeester hochgebomer Churfurst vnser vntertenige verpflichte gehorsame dienst/ alle zeyt zumor. Genedigster herre wir habenn auff ewer Churfurstlich gnaden beuelch die Augustiner münthlich vnd schriefflich gehört/ befunden/ das sie in der summa auß dreyer vrsachen yre messhalten / haben nach gelassenn/ wie ewer Churfurstlich gnade auß yrer hyerin ein geschlossener zettel vernemen werden.

Die ein geschlossen zettel.

Zum ersten/ dweyl ein grosser vncristlicher myßbrauch der messen in aller welt / geystlich vnd weltlich gepflantz ist/ das yn auch keyn mensch / auß den hertzen der menschen nemen kann/ in dem das die messe für ein gut werck/ dar durch wir gott versünen/ yme etwas oppferen/ vnd geben für vnser sünde/ angenomen ist / auch für ein andern ein solich oppfer/ mog fruchtbarlich vnd nutzlich thun. Vnd dar vmb haben die Augustiner nicht mehr wollenn mess halten/ dweyl solich mess halten wie bissher gebraucht/ solchem mißbrauch krafft vnd macht geben/ vñ wollen darmit die warhafftigen mess/ wie sie Christus vñnd die apostelen eingesetzt vñnd gehalten haben wieder in gebrauch vnd vbung bringen.

Zum ander/ so sein die messen wie sie yzo gehalten werden wider den gebrauch vnd vbung Christi vñ der apostelen eingesetzt / dan Christus hett yr zwelff/ vnd die apostelen den hauffen/ vnd nicht allein communiciert/ wie dan auch Paulus/ den Corinthen primitias cena verbeit.

Zum dritten/ so Christus bede gestalbt zu gebenn gebotten vñnd ein gesetzt/ dweill dan die messe byssher gehalten / also verordnet sein das man den vmbstendigen ein gestalbt allein gebenn. So wissen sie nicht mit gntem gewissen solche messe zu betreffigen.

Auff die ir meynung wollen wir ewer Churfürstlich gna-
de vnser gut bedunck eroffnen/ vnd bitten vndertheniglichen
ewer Churfürstlich gnade wolle vns gnediglichen mit fleyß
hören/ mit den orenn des geyst/ welchem menschliche kunst
vnd weyßheit der welt veracht/ vñ allein gotliche weyßheit
im geist verborgen/ hoch achten vnd annemen.

Es ist kein grosser sündt auff erden/ dan der myßbrauch der
messen/ dan der heylig Paulus hat so hoch vnd schwere ein
klein myßbrauch der messen bey den Coutheren das sy allein
prechtig da mit vmb gingenn/ angezeigt in dem do er sprichet
Welcher nit vñdscheid hat/ vnder dem leichnam Jesu chusti
der isset den todt/ vnd seind yr vil darumb mit der pestilenz
gestrafft wordenn. Dweil wir dann yzo/ ein vill grosserenn
mißbrauch der messen haben. So ist es kein zweifel/ wir wer-
den schwerlichenn gestrafft/ mit krigenn/ pestilenz/ wie dann
vor augen ist/ welchs das groft ist/ mit blindheit der vernufft
wie dan clerlichen erscheint bey denen/ die teglich messhalten.
Sie hanthaben vñnd schutzen/ dan die mess in irem furnem-
lichsten teyll manducatio/ alles was sunst dar zu gehort/ ist
von menschem den Besten zu gesatzt vñnd teglich mit der
zeit gemert worden. Vnd die selbige manducation/ ist nicht
mher dan wan ein leye zum Sacramēt ein gewyß zeichē dar
durch wir erindert werden vergebung aller sündt. Als chrus-
selbs sagt/ So oft ir es thut so thut das/ das ir mein daran
gedenck/ das ist/ das ir gedencet an die gnade vnd barmher-
zigkeit gottes die euch durch meinen todt gebenn vñnd er-
zeygt ist.

Dar auß volgt das die messe nit ein gut werck sey dar mit
mann gott etwas opffern oder gebenn mag für sich oder für
eynenn andern/ das sacrament geniessen mag wie dan auch
keiner für den andern mag getaufft werden.

Nun ist es offentlich am tag/ das alle messen gestiftt sein
als gute werck/ do mit wir vnser vnd anderer sünden mügen
gnug thun/ welchs nichts anderst ist/ dann ein verblendung
des chustlichenn glauben/ vñnd warhafftig mißbrauch des
heiligen sacraments.

Do her ist kumen/ das alle wochenn vier oder funff messen

*Sacrament vñnd
Gebenn vñnd
Gedencet an die sündt*

W. C. P. P. P.

In allem stiftkenn geordnet vnd gesunder sein/ do durch die
posen paffen mess zu halten vmb geles willen erfrewt wer/
den/vnnd ob gleich auch frumme prierster dar vnther weren
die geren das heylig sacrament rechte nach yrem gewissenn
prauchen wolten/die müssen doch auß solcher stiftung vnd
ordnung offte mit verdriess on lust vnnd verlangenn yrer ge/
wissenn mess haltenn.

Dar auß mag ewer Churfürstlich gnad wolermessen was
für nutz oder frummen bringen mag /so ein sunder vmb ey/
gen genyess willenn/oder ein frummer auß tzwangt der sun/
dacion on lust vnd lieb/ auch offte wider sein gewissenn messe
halten muß/dan es ist vnmüglich das auch ein frummer vn
geystlicher prierster/so offte lust vnnd liebe habe messe zu hal/
tenn/als offte er durch die fundacionn verbundenn vnnd ver/
pflicht ist.

Vnnd ob etliche sprechen wolten/die gebethe in der messen
sein andern gute nutz vn fruchbar/wen auch mäducatio des
priersters nyemant zu hilff vnnd trost queme. So kann auch
ewer Churfürstlich gnad woll ermessen/wie das gepett eins
sundigenn priersters oder frummen/ der es mit vnlust thus
nüzlich sein/ vnnd wenn es gleich auff das beste volbracht
so ist eins frummen priersters gebet in der mess nichtt besser
dan eins frummen leyen in seiner kamer.

Es seind auch die messen/ für die todten auß oben ange/
zeygten vrsachen instituirt worden/vnd dergleichen vil betrie/
geret/ welche man (so es zu der betriegerey nichtt sund were)
wol leyden mocht. Dweil es aber treflich sundt ist/ so sol man
sie in keinenn weg dulden noch leyden/Wann sich auch die
gantz welt daran ergert.

Darumb wil ewer Churfürstlich gnad als ein chüstlicher
fürst/vnther welchem das heylige euangelium wider an tag
komen ist geburen/vnnd ewr Churfürstlichen gnaden selenn
seligkeit vnd heyll/solchẽ mißbrauch der messen in ewr Chur/
fürstlich gnaden kirchen ab zu brechen/ vnd widerumb den
warhafftigen gebrauch der messen/ wie es chustus vnd die
apostelen gehalten haben ein zu setzen.

Nemlich das alwegen/ wenn das volck zu samen kome/

so wart das wort gottes gepredigt. Vnd darumb kome das
volck auch zusamen/ vnd auß keiner andern vsach/ vnd dar
nach gebenediciert einer weyn vnd brott/ vnd das diese weyß
vñ form die best ist/ so wer auch die schwerst/ welch auch die
Augustiner in yrem furnemē bewege hat/ das der alt brauch
der messe wiederumb vernewert wurd.

Vnd dweil die Augustiner nit wollen der mess misbrauchē
sunder frey vngewungen mess halten/ thun sie recht. Das sie
aber an zeygenn / es soll keyner allein communiciren schleuff
nicht als vhest vnser furnemens wie wol es war ist/ das die
vsachenn so sie die ergerung anzeygen / das die messe wie sie
yezunde vō einem püester gehalten wirt vsach gibt den an
deren einfeltigenn püestern in yrem myßbrauch der messenn/
zu sterbenn gnugt gut ist / yedoch beleydet nicht / das man
die schwachenn brüder ym glauben ein zeyt lang dulde vñnd
leyde byß sie besser im wort gottes vnter weyßt werdenn/ als
Paulus vns gelert hat.

Das sie auch an zeygenn in der vsach / das Chistus ym
abent essen/ yr vilen ein leichnam geben habe ist ein geschichte
kein gesetz noch gebothe. Was sie aber in der dritten vsach
beyder gestalt halben belangt/ angezeygt haben/ können wir
nit verwerffen wir können auch nicht die eyn gestalbt alleyn
geben oder annemen genugsam entschuldigen/ dan Chistus
hat es gebotenn/ vñnd auff gesagt. Do er sprach yr solt alle
darauff trincken. Imperatine.

Sye suchen wol schutz oder hilff rede / die ein gestalbt ge
ben aber ist nit anferligkeyt/ dar vmb wer vonn nörenn das
der erst gebrauch des sacraments wieder vmb in der Chistu
lichen kirchen eingesetzt vñnd verneuet wurde/ vnd Summa
summarum beschlifflich da von zureden / wen wir die weyß
vñnd form/ wie es in Euangelio geschriben gehalten/ weren
wir 8 sachen an allen zweyfel gewyß vñ konten nichts irren.

Dweyl wir aber menschen gesetz vnd ordenung/ wie gu
heylig vnd geystlich sie seint/ dar vor vns Chistus vñ Paul
lus so offte treulich gewarnet habenn/ so wissen wir nicht ob
wir recht haben oder wol thun/ vñ seindt aller sach vngwyß
vnd zweyffelhaftig. Vnd wie wol es gewyß ist/ das durch

menschen gesetz vnnnd lere die ganz welt / vnnnd auch wen es
müglich were/ die auferwelten solten in irthumb verfürte ye/
doch ist solich gesetz vnnnd lere der menschen also eingebildet/
das er mehr dar vonn helt vnd sie grosser acht dann gottes
gebott/auff das die schriefft erfült werde. *Exaltabitur super
omne quod dicitur deus.*

Der halben bitten wir in aller vnterthenigkeyt ewer Chur
fürstliche gnade/woll als ein cristlicher fürst zu der säch mit
ernst thun vnd solchen myßbrauch der messe in ewer Chur/
fürstlich gnaden landen vñ fürstenthumb baldt vnd vnuer/
seumlich ab thun/vnd weltliche schandt vñ vnere/ vnd das
ewer Churfürstlich gnade ein Behem vnnnd ketzer gscholten
wirt gar nichts achen. Dan alle die vmb gottes wort willen
etwas thun / die müssen solchen hon vnd vnere vnd schand
dulden vnd leyden/vnd wirt es in keinen vertrag haben auff
das ewer Churfürstlich gnade von Christo am iungsten tag
nit mit Capharnao furgeworffenn werde / das solch grosse
gnade vnd wunder/vnd barmherzigkeyt in ewer Churfür/
stlichen gnaden landen vmb sunst an vnser zuthun geschehe.
Das das heylig Euangelium geoffenbart erobert/ vnnnd an
den tag komen ist/der halben er auch vonn ewer Churfürst/
lich gnaden der gnade vnnnd gabe ewer Churfürstlich gnade
vor alkenn andern Königen vnnnd Fürstenn erzeygt / wurd
rechnung fordern.

So vil nun die Augustiner betrifft/ist vnser beduncken kein
sunde allein messe halten so mann sonst der messe nicht myß/
braucht man sol auch nyemants weren allein vnnnd priuatū
messe halten.

Doch woe diese der massen anfangen messe zu halten wie
sie sich lassen vernemen nach der form des Euangelij wissen
wir nicht zuverlaugnen.

Bittenn der halben ewer Churfürstlich gnade wol es als
ein cristlicher Churfürst in genediges bedencken nehmen. Da
mit beuelchenn wir vnns ewer Churfürstlich genade in aller
vnterthenigkeyt zc.

Faint, illegible text, likely bleed-through from the reverse side of the page. The text is arranged in several lines, but the characters are too light and blurry to transcribe accurately.